

Yeshua; Hesus di Nazaret: e Berdat di Dios Tata.

Awor Felipe a buska i haña Natanael i a bis'é: "Nos a haña Esun di Kende Moisés a skirbi den e Lei i di Kende e Profetanan tambe a skirbi. Ta Hesus di Nazaret, yu di Hosé." (Juan 1:45).

Yeshua; Hesus di Nazaret: e Berdat di Dios Tata.

Pesei, Hesus a bisa e Hudiunan ei ku tabata kere den DJE: "Si boso keda den Mi palabra, boso ta berdaderamente Disipelnan di Mi, i boso lo konosé e Berdat, i e Berdat lo hasi boso Liber." Nan a kontesta Hesus: "Nos ta di e desendencia di Abraham, i nunca ainda nos no a bira esklabo di ningun hende; kon Abo ta bisa anto: 'Boso lo bira Liber?'" Hesus a kontestá nan: "Di Berdat, di Berdat, Mi ta bisa boso, ken ku kometé piká ta esklabo di piká. I e esklabo no ta keda den e kas pa semper; e Yu sí ta keda pa semper. Pesei si e Yu hasi boso Liber, di Berdat boso lo ta Liber. (Juan 8:31-36).

Yeshua; Hesus di Nazaret: e Berdat di Dios Tata.

E ora ei Dios a bisa: "Laga Nos traha hende segun Nos Imágen, konforme Nos Semehansa; i laga nan goberná riba e piskánan di laman i riba e paranán di shelu i riba e bestianan di kria i riba henter e tera, i riba tur bestia ku ta lastra riba tera." I Dios a krea hende segun Su mes Imágen; segun e Imágen di Dios EL a krea hende; hònber i muhé EL a krea nan. Anto Dios a Bendishoná nan, i Dios a bisa nan: "Sea fruktífero i multipliká, i yena e tera i hasi esaki someté na bo; i goberná riba e piskánan di laman i riba e paranán di shelu, i riba tur ser bibu ku ta move riba tera." Anto Dios a bisa: "Mira, Mi a duna boso tur mata ku ta duna simia riba superfisio di henter tera i tur palu ku tin fruta ku ta duna simia; esei lo ta kuminda pa boso. I pa tur bestia di mondi, tur para di shelu i tur loke ta lastra riba tera, ku tin bida, Mi a duna tur mata bèrdè pa kuminda"; i asina tabata. I Dios a mira tur loke EL a traha, i ata, tur kos tabata masha bon. I tabata atardi i tabata mainta: e di seis dia. (Génesis 1:26-31).

Yeshua; Hesus di Nazaret: e Berdat di Dios Tata.

11 novèmber 2018

Sea Bendishoná den e Amor di Yeshua Mesias

Rev. Remsly L Riley